

戊籤六李羣玉之四

唐音統籤卷

五百九十五

七言絕句

言懷

白鶴高飛不逐羣
嵇康琴酒鮑昭文
此身未有棲歸處
天下人間一片雲

春晚

思鄉之客空凝望
天邊欲盡未盡春
獨攀江樹深不語
芳草落花愁殺人

南莊春晚二首

連雲草映一條陂
鷓鴣雙雙帶水飛
南村小路桃

花落細雨斜風獨自歸

草暖沙長望去舟微
茫茫煙浪向巴丘
沅江寂寂春歸盡
木綠蘋香人自愁

北亭

斜雨飛絲織晚空
疏簾半捲野亭風
荷花向盡秋光晚
零落殘紅綠沼中

請告出春明門

本不將心挂名利
亦無情意在樊籠
鹿裘藜杖且歸去
富貴榮華春夢中

引水行

一條寒玉走秋泉
引出深蘿洞口煙
十里暗流聲不斷
行人頭上過潺湲

醴陵路中

別酒離亭十里強
半醒半醉引愁長
無人寂寂春山路
雪打巖梅狼籍香

落帆後賦得二絕

平湖茫茫春日落
危檣獨映沙洲泊
山岸閒尋細草行
古查飛起黃金鶻

水浮秋煙沙曉雪
皎潔無風影澄澈
海客雲帆未挂時
相與綠江拾明月

江南

鱗鱗別浦起微波
泛泛輕舟桃葉歌
斜雪北風何處宿
江南一路酒旗多

秋登涪陽城二首

萬戶砧聲水國秋
涼風吹起故鄉愁
行人望遠偏傷思
白浪青楓滿北樓

穿針樓上閉秋煙
織女佳期又隔年
斜漢夜深吹不落
一條銀浪挂秋天

曉宴

金波西傾銀漢落
綠樹含煙倚朱閣
曉華曠曉開

調笙一點殘燈隔羅幕

題王侍御宅

門向滄江碧岫開地多鷗鷺少塵埃綠陰十里灘

聲裏閑卽

一作去

王家看竹來

峽山寺上方

滿院泉聲山殿涼疎簾微雨野松香東峰下視南
溟月笑踏金波看海光

題金山寺石堂

白波四面照樓臺日夜潮聲遶寺回千葉紅蓮高
會處幾曾龍女獻珠來

唐音統籤

卷五百九十五

三

戊

題龍潭西齋

寂寞幽齋暝煙起
滿徑西風落松子
遠公一去兜率宮
惟有門前虎鬚水

紫極宮齋後

紫府空歌碧落寒
曉星寥亮月光殘
一羣白鶴高飛散
惟有松風吹石壇

文殊院避暑

赤日黃埃滿世間
松聲入耳卽心閑
願尋五百仙人去
一世清涼住雪山

黃陵廟

太平廣記澤王解天祿之任歸濟陽
鄉二妃廟題詩云云澤王焚春空遂

至秋色欲易之恍若有物告以二年之兆
特尋陽太守段熾式志其事後二年果死
于洪井段以詩哭之
事與詩前見段集

黃陵廟前春已空
子規啼血滴松風
不知精爽落何處
疑是行雲秋色中

黃陵廟

一作李遠詩

黃陵廟前莎草春
黃陵女兒茜裙新
輕舟小楫唱歌去
水遠天長愁殺人

湘妃廟

補

少將風月怨平湖
見盡扶桑木到枯
相約杏花壇上去
畫闌紅紫闌樗蒲

宿巫山廟二首

寂寞高唐別楚君
玉人天上逐行雲
停舟十二峰
巒下幽佩僊香
半夜聞

廟閉春山曉月光
波聲回合樹蒼蒼
自從一別襄
王夢雲雨空飛
巫峽長

桃源

我到瞿真一作童上昇處
山川四望使人愁
紫雲白鶴去不返
惟有桃源一作花谿水流

石門戍

到此空思吳隱之
潮痕草蔓上幽碑
人來皆望珠

璣去誰詠貪泉四句詩

漢陽太白樓

江上晴樓翠靄閒
滿簾春水滿窻山
青楓綠草將愁去
遠入吳雲暝不還

喜渾吉見訪

公子春衫桂木香
遠衝霏雪過書堂
貧家冷落難消日
惟有松筠滿院涼

聞湘南從叔朝覲

長沙地窄却回時
舟楫駸駸向鳳池
爲報湘川神女道
莫教雲雨濕旌旗

勸人廬山讀書

憐君少雋利如鋒氣爽神清刻骨聰片玉若磨惟
轉瑩莫辭雲外入廬峰

沅江漁者

倚棹汀洲沙日晚江鮮野菜桃花飯長歌一曲煙
靄深歸去滄浪綠波遠

惱從兒

芳草萋萋新燕飛芷汀南望鴈書稀武陵洞裏尋
春客已被桃花迷不歸

謝崔表臣

昨日朱門一見君，忽驚野鶴在雞羣。
不應長啄潢汙水，早晚歸飛碧落雲。

訓魏三十七

靜裏寒香觸，思初開。絨忽見二瓊瑤。
一吟麗句，風流極沒得，弘文李校書。

重陽日上渚宮楊尚書

落帽臺邊菊半黃，行人惆悵對重陽。
荆州一見桓宣武，爲趁悲秋入帝鄉。

旅遊番禺獻涼公

帝鄉羣侶杳難尋，獨立滄州歲暮心。
野鶴飛棲無

遠近稱榮多處是恩深

將遊荊州投魏中丞

貧埋病壓老嶢峴拂拭菱花不喜看又恐無人肯
青眼事須憑仗小還丹

贈魏三十七

名珪字玉淨無瑕美譽芳聲有數車莫放焰光高

二丈來年燒殺杏園花

唐遺史云江淮間術士姓吳有進去宏詞者謂之術士

曰公頭上焰光高二丈必至高第

戲贈魏四十

蘭浦秋來煙雨深幾多情思在琴心知君調得東

家子早晚和鳴入錦衾

贈人

曾留宋玉舊衣裳惹得巫山夢裏香雲雨無情難
管領任他別嫁楚襄王

戲贈姬人賦尖字韻

一作張
粘詩

骰子巡拋裏手拈無因得見玉纖纖但知誰道金
釵落圖向人前露指尖

贈妓人

誰家少女字千金省向人間觸處尋今日分明花
裏見一雙紅臉動春心

贈琵琶妓

我見鴛鴦飛上水，君還望月苦相思。
一雙裙帶同心結，早寄黃鸝孤鷓兒。

中秋寄南海梁侍御

海靜天高景氣殊，鯨睛失彩蚌潛珠。
不知今夜越臺上，望見瀛洲方丈無。

寄友二首

野水晴山雪後時，獨行村路更相思。
無因一向谿橋醉，處處寒梅映酒旗。

花落輕寒酒熟遲，醉眠不及落花期。
愁人相憶春

山暮煙樹蒼蒼撥穀時

和人贈別

頻黛低紅別愁多深亭芳恨滿橫波聲中唱出纏
綿意淚落燈前一曲歌

大庾嶺別友人

負管無子鷓鴣饑毛彩凋摧不得歸誰念火雲干
嶂裏低身猶傍鷓鴣飛

送客往潯陽

春與春愁逐日長遠人天畔遠思鄉蘋香一作水

綠不歸去孤負東谿七里莊

送客

沉水羅文海燕回
柳條牽恨到荆臺
定知行路春愁裏
故郢城邊見落梅

傷柘枝妓

曾見雙鸞舞鏡中
聯飛接影對春風
今來獨在花筵上
月滿秋天一半空

長沙沅門寺張璪員外畫壁

片石長松倚素楹
儵然雲霧見高情
世人只愛凡花鳥
無處不知梁廣名

寄友人鹿胎冠子

數點疏星紫錦斑
仙家新樣剪三山
宜與謝公松下戴
淨簪雲髮翠微閒

校書叔遺暑服

翠芸箱裏疊龍穗
楚葛湘紗淨似空
便著清江明月夜
輕涼與挂一身風

荅友寄新茗

滿火芳香碾麴塵
吳甌湘水綠花新
愧君千里分滋味
寄與春風酒渴人

索曲送酒

簾外春風正落梅
須求狂藥解愁回
煩君玉指輕

月 下 系 鐘
擺撚慢撥鴛鴦送一杯

聞笛

冉冉生山草何異截而吹之動天地望鄉臺上望
鄉時不獨落梅兼落淚

移松竹

龍髯鳳尾亂颼颼帶霧停風一畝秋待取滿庭蒼
翠合酒尊書案閉門休

書院二小松

一雙幽色出凡塵數粒秋煙二尺鱗從此靜窻聞
細韻琴聲長伴讀書人

山驛梅花

生在幽崖獨無主，谿蘿澗鳥爲儕侶。行人陌上不
留情，愁香空謝深山雨。

石榴

洞中春氣蒙籠暄，尚有紅英千樹繁。可憐夾水錦
步障，羞殺石家金谷園。

歎靈鷲寺石榴

西吳里語
作雍陶誤

水蝶巖蜂俱不知，露紅凝豔數千枝。山深春晚無
人賞，卽是杜鵑催落時。

題櫻桃

春初携酒此花間
幾度臨風倒玉山
今日葉深黃
滿樹再來惆悵
不能攀

二辛夷

狂吟亂舞雙白鶴
霜翎玉羽紛紛落
空庭向晚春
雨微卻斂寒香
抱瑤萼

鷓鴣

錦羽相呼暮沙曲
波上雙鷺鳴
暮暮玉霞明
川靜極
望中一時飛滅
青山綠

釣魚

七尺青竿一丈絲
荻蒲葉裏逐風吹
幾回舉手拋

芳餌驚起沙灘水鴨兒

附錄

進詩表

草澤臣羣玉言臣宗緒湖淪丘壑賤品幽沉江
 介分託漁樵伏遇皇帝陛下運屬昇平率土歡
 泰沐雨露膏育之化在薰風長養之間願同率
 舞之誠遠逐越裳之責頃以鼓腹動華之伏怡
 情林阜之畏涵澤皇風始忘任造以致年踰不
 惑痾恙蒸餒但慮寒餓江湖之濱與枯魚涸鱗
 為伍曠日黃髮虛謝文明是以徒步負琴遠至
 輦下謹捧所業歌行古體七言今體五言今體
 等合三百首謹詣先顯門墀死上進伏以卿雲
 在天草木五色廣野之氣燭為祥燦熙熙含生
 盡躋壽域白日亭午物無斜陰方今風后提衡
 表尹威秩言語侍從之列皆嚴徐班馬之倫凡
 在墨客詩人詠歌聲明文物不暇何議諷刺與
 於筆端臣所貢前侍獻詩以居住沉湮宗師屈
 宋瓊江蒲浦蕩思播情無類之餘適於諷野天
 文不到徒窺星漢之高滄海攸歸豈阻潢汗之

陋然則爨祠不螺俄成曲突之煙埋劍無光永
作幽泉之鐵巴漢下調塵網天聽樓蟻之微伏
待刑戮謹拜表陳獻以聞無任焚灼潰越屏營
之至 謹奉玉誠惶誠恐頓首死罪謹言

延英口宣勅吉

卿所進歌詩具常高雅朕已過覽今有少錦彩
罷物賜卿宜領取夏熱卿其平安好

中書侍郎今孤獨等薦狀

翠玉苦心歌篇屏達粹察佳句流傳於衆口芳

聲籍甚於一時守道安貧遠絕名利當文明之

盛代宜備搜羅俾與校于瀛洲竹光志業臣等

今日延英已而陳奏狀伏奉聖旨令與一文學

官者臣等商量望授弘文館校書郎未審可否

謹具奏聞伏聽勅旨

制詞

李祥玉故懷貞 奎吟咏性情孤雲無心浮磬有

韻吐妍詞於麗則勸清律於風騷冥鴻不歸羽

翰自逸藉豹遠躡文彩蓋奇信不試而逾精能

入幽而獨樂念其求志可以言詩用是繫維俾

之列校可守弘文館校書郎中書侍郎兼戶部

尚書平章事臣令狐綯宜奉司勳郎中知制誥
臣鄭處約行 童明父曰唐志裴休為相薦授
羣玉為叢書郎按大中八年令狐綯為中書侍
郎兼戶部尚書同中書門下平章事崔鉉守尚
書右僕射兼門下侍郎同中書門下平章事裴
休禮部尚書諸道鹽鐵轉運使同中書門下平
章事蓋三人並相時而薦達則本於休也明父
施州衛人是集出其家藏
余舊鈔宋本文山集缺其七首嘉靖中澧人劉
崇文刻者為全外王父方伯劉公介秉憲于澧
得之為吾中表玄牝鐸所藏因得補完余書雙
校玄牝功為多不獨此編也癸未仲冬日震亨
記

卷終

戊籤七

唐音統籤卷

五百九十六

李遠字承古蜀人太和五年進士歷忠建江三州

刺史終御史中丞集一卷

唐宋二志同

幽開並

遠為杭州刺史宣宗曰我聞遠有詩云長日惟銷一局棋豈可以臨郡哉綸對曰詩人之言非有實也仍薦遠廉察可任乃命之宣宗親遠到郡謝上表左右曰此不足煩聖覽宣宗曰安知不有情懇乎吾不敢忽也

五言律詩

銅雀臺

西陵樹已盡銅雀思偏多
雪密疑樓閣花開想綺羅
影銷堂下舞聲斷帳前歌
唯有漳河水年年舊

唐音統籤

卷五百九十六

戊

綠波

閉居

塵事久相棄沉浮皆不知牛羊歸古巷燕雀遶
籬買藥經年晒留僧盡日茶唯憂釣魚伴秋水隔
波時

贈殷山人

有客抱琴宿值予多怨懷啼鳥絃易斷嘯鶴調難
諧曲罷月移幌韻清風滿齋誰能將此妙一爲奏
金塔

陪新及第赴同年會

曾攀芳桂英處處共君行今日杏園宴當時天樂
聲柳濃堪繫馬上未藏鶯滿座背仙侶同年別
有情

遊故王駙馬池亭

花樹杳玲瓏漁舟處處通醉銷羅綺艷香煖菱荷
風野鳥翻萍綠斜橋印水紅子猷簫管絕誰愛碧
鮮濃

題僧院

不用問湯休何人免白頭百年如過鳥萬事盡浮
漚別緒長牽夢情田亂種愁却嫌風景麗牕外碧

雲秋

送人入蜀

蜀客本多愁君今是勝遊碧藏雲外樹紅露驛邊

樓杜鬼呼名語一作巴江學字流不知煙雨外何

處夢刀州

及第後送家兄遊蜀

人誰無遠別此別意多遠正鵠雖言中冥鴻不共

飛玉京煙雨斷巴國夢魂歸若過嚴家瀨慙慙看

釣磯

與碧溪上人別

欲入鳳城遊西溪別惠休色隨花旋落年共水爭
流客思偏來夜蟬聲覺送秋明朝逢舊侶唯擬上
歌樓

觀廉女真葬女真善隸書常爲內中學士

玉牕拋翠管輕袖掩銀鸞錯落雲車斷丁冷金磬
寒鶴尋深院立人借舊書看寂寞焚香處紅花滿
石壇

詠鴈

早晚辭沙漠南來處處飛關山多雨雪風水損毛
衣碧海寬應斷紅樓信自稀不知矰繳外留得幾

行歸

詠壁魚

鱗細粉光鮮開書亂眼前透窓疑漏網落硯似流

泉潛穴河圖

一

作內吞鈎乙字邊莫言鬻鬻小食

盡白蘋篇

七言律詩

過馬嵬山

金甲雲旗盡日迴蒼惶羅袖滿塵埃濃香猶自飄
鬢輅恨魄無因離馬嵬南內宮人悲帳殿東溟方
士問蓬萊唯餘坡上彎環月時送殘蛾入帝臺

吳越懷古

吳越千年奈怨何
兩宮清吹作樵歌
姑蘇一敗雲無色
范蠡長遊水自波
霞拂故城疑轉旆
月依荒樹想鳴蟻
行人欲問西施館
江鳥寒飛碧草多

聽話叢臺

有客新從趙地回
自言曾上古叢臺
雲遮襄國天邊去
樹繞漳河地裏來
絃管變成山鳥哢
綺羅留作野花開
金輿玉輦無行跡
風雨誰知長綠苔

云平熟

近套

聽王氏子話歸州昭君廟

獻之閑坐說歸州曾到昭君廟裏遊自古行人多
怨恨至今鄉土盡風流泉如珠淚侵堦滴花似紅
粧滿岸愁河畔猶殘翠眉樣有時新月傍簾鈎

贈弘文杜校書

高倚霞梯萬丈餘共看移步入宸居曉隨鴛鴦排
金鎖靜對鉛黃校玉書漠漠禁煙籠遠樹泠泠宮
漏響前除還聞漢帝親詞賦好爲從容奏子虛

贈咸陽李少府

美貌雄才已少齊寶書仙簡兩看題金刀片片裁
新錦玉步重重上舊梯鵬到碧天排霧去鳳遊瓊

樹棟枝棲蓬瀛宴罷試迴首一望塵中路正迷
贈寫御真李長史

玉座煙銷視水清龍髯不動彩毫輕初分隆準山
河秀再點重瞳日月明宮女捲簾皆暗認侍臣開
殿盡遙驚三朝供奉應無敵始覺僧繇浪得名

贈友人

鳳城煙靄思偏多曾向劉郎佳處過銀燭焰前貪
勸酒玉簫聲裏已聞歌佳人惜別看嘶馬公子貪
情向翠蛾今日重來門巷改出牆桐樹綠婆娑

贈南嶽僧

曾住衡陽嶽寺邊
門開江水與雲連
數州城郭藏寒樹
一片風帆著遠天
猿去不離行道處
客來皆到臥床前
今朝惆悵紅塵裏
惟憶閑塘盡日眠

贈潼關不下山僧

與君同在苦空間
君得空門我愛閑
止足已教修鴈塔
終身不擬下雞山
窓中遙指三千界
枕上斜看百二關
香茗一甌從此別
轉蓬流水幾時還

長安卽事寄友人

綺陌千年思斷蓬
今來還宿鳳城東
瑤臺鍾鼓長依舊
巫峽煙花自不同
千結故心爲怨網
萬條新

景作愁籠何時更伴劉郎去却見妖桃滿樹紅

聞道明上人逝寄謝友人

蕭寺曾過最上方碧桐一作濃葉覆西廊遊人縹

緲紅衣亂座客從容白日長別後旋一作成莊叟

一作夢書來忽報惠休亡他時若更相隨去祇是

含酸對影堂

失鶴

秋風吹却九臯禽一片閑雲萬里心碧落有情應

悵望瑤臺無路可追尋初來白雪翎猶短欲去丹

砂頂漸深華表柱頭留語後更無消息到如今

過舊遊見雙鶴愴然有懷

謝公何歲掩松楸雙鶴依然傍玉樓
朱頂巔峴荒草上雪毛零落小池頭
蓬瀛路斷君何在雲水情深我尚留
他日若來華表上更添多少令威愁

隣人自金仙觀移竹

移居新竹已堪看
斲破苔蘚得幾竿
圓節不教傷粉箨
玉粉一作粉低枝猶擬拂
霜壇
嶠頭枝動和煙綠
枕上風來送夜寒
第一莫教漁父見
一作問且從蕭颯

滿朱欄

五言絕句

慈恩寺避暑

香荷疑散麝風鐸似調琴
不覺清涼晚歸人滿柳陰

詠鴛鴦

鴛鴦離別傷人意似鴛鴦
試取鴛鴦看多應斷寸腸

七言絕句

黃陵廟詞

一作李羣玉詩

黃陵廟前莎草春黃陵女
兒舊裙新輕舟小楫唱
歌去水遠山長愁殺人

讀田光傳

秦滅燕丹怨正深古來豪客盡沾襟
荆卿不了真閑事辜負田光一片心

友人下第因以贈之

劉毅雖然不擲盧誰人不道解樗蒲
黃金百萬終須得只有接莎更一呼

贈箏妓伍卿

輕輕沒後更無箏玉腕紅紗到伍卿
座客滿筵都不語一行哀鴈十三聲

句

人事三盃酒流年一局棋

蘇東坡詩

青山不厭千盃

酒長日惟消一局棋

唐詩林

卷終

戊籤八

唐音統籤卷

五百九十七

雍陶字國鈞成都人太和八年第進士大中間自

國子毛詩博士出為簡州刺史詩十卷

宋志三卷通考云本

集今亡今編二卷

雲溪友議陶為簡牧自比謝官城柳吳興賓至則坐辱投贄者

少得見之有馮道明者請謁語謂寺曰與太守故舊及見呵責曰與公味平生何故舊之有道明曰誦公詩於集中日得相見何隔平生遂吟雍詩云江聲秋入峽雨氣夜侵樓立當青草人先見行傍白蓮魚未知開門客到常疑病滿院花開不似貧雍聞吟欣狎遂如曩昔之交

五言古詩

明月照高樓

朗月何高高樓中簾影寒一婦獨含歎四坐誰成

歡時節屢已移遊旅杳不還滄溟儻未洞妾淚終
不乾君若無定雲妾若不動山雲行出山易山逐
雲去難願爲邊塞塵因風委君顏君顏良洗多盪
妾濁水間

登武昌江山寺

虛豁登寶所三休極層構獨立天地間烟雲滿襟
袖鼉荒初落日劍野呈綺繡愁檻祝融微陰軒九
江凌拂簷皇姑舍錯落白榆秀倚觀天竺祠蛟龍
盤古甃書劍忽若空青雲日方晝南朝空蒼莽楚
澤稀耕耨萬事滿頽波一航安可就世代遷陵谷

湖光隱圭竇早聞羣黃鶴飄舉寒江岫燕宮豸冠
客憑覽發清奏珠玉難嗣音縱轅愧孤陋

五言律詩

下第

萬事誰能問一名猶未知貧窮多累日闕過少年
時燈下和愁睡花前帶淚悲無媒長委命轉覺命
堪疑

塞上宿野寺

塞上蕃僧老天寒疾上關遠烟平似水高樹暗如
山去馬朝常急行人夜始闕更深聽刁斗時到磬

聲聞

同賈島宿無可上人院

何處銷愁宿携囊就遠僧
中宵吟有雪空屋語無
燈靜境唯聞鐸寒牀但枕肱
還因愛閑客始得見
南能

和劉補闕秋園寓興六首

水木多陰冷池塘秋意多
庭風吹故葉堦露淨寒
莎惹燕窺燈語情人見月過
砧聲聽已別蟲響復
相和

閉門無事後此地卽山中
但覺鳥聲異不知人境

同晚花開爲雨殘果落因風獨坐還吟酌詩成酒

已空

方回云花開爲雨果落因風自是佳句然詩家亦或忌此因對爲知對覺皆相犯也

自得家林趣常時在外稀對僧餐野食迎客著山
衣雀闌翻簷散蟬驚出樹飛功成他日後何必五

湖歸

秋色庭蕪上清朝見露華踈篁抽晚笋幽藥吐寒
芽引水新渠淨登臺小徑斜人來多愛此蕭爽似
仙家

聖代少封事閑居方屏喧漏寒雲外關木落月中
園山鳥宿簷樹水螢流洞門無人見清景林下自

開樽

禁掖朝廻後林園勝賞時野人來辨藥庭鶴伴看
暮晚日明丹棗朝霜潤紫梨還因重風景猶自有
秋詩

訓秘書王丞見寄

朝下有閑思南溝邊水行田來見家麥落轉自歎平
生白首丈夫氣赤心知己情留詩本相慰却憶苦
吟聲

贈金河戍客

慣獵金河路曾逢雪不迷射鵬青塚北走馬黑山

西戍遠旌幡少年深帳幕低
訓恩須盡敬休說夢
中閨

贈宗靜上人

世上方傳法山中未得歸
閑花飄講席馴鶴汗禪
衣積雨誰過寺殘鍾自掩扉
寒來垂頂帽白髮刺
應稀

送徐使君赴岳州

渺渺楚江上風旗搖去舟
馬歸雲夢晚猿叫洞庭
秋別思滿南渡鄉心生
北樓巴陵山水郡應

一作偏

稱謝公遊

送宜春裴明府之任

南行春已滿路半水茫然楚望花當渡湘陰月滿
川山橫湖色上帆出鳥行前此任無辭遠親人貴
用遷

送前鄆縣李少府

近出圭峯下還期又不賒身閒多宿寺官滿未移
家罷釣臨秋水開樽對月華自當蓬閣選豈得臥
戀作烟霞

送裴璋還蜀因亦懷歸

客在劍門外新年音信稀自爲千里別已送幾人

歸陌上日初落馬前花正飛離言殊未盡春雨滿

一作
濕行衣

秋露

白露曖秋色月明清漏中痕沾珠箔重點落玉盤
空竹動時驚鳥莎寒暗滴蟲滿園生永夜漸欲與

霜同

孤桐

踈桐餘一榦風雨日蕭條歲晚琴材老天寒桂葉
凋已悲根半死復恐尾全燠幸在龍門下知音肯

寂寥

五言排律

蜀中戰後感事

蜀道英靈地山重水又回文章四子盛道路五丁
開詞客題橋去忠臣叱馭來臥龍同駭浪躍馬比
浮埃已謂無妖土那知有禍胎蕃兵依漢柳蠻旆
指江梅戰後悲逢血燒餘恨見灰空留犀厭怪無
復酒除災歲積萘洪愁春深社宇哀家貧移未得
愁上望鄉臺

蜀中經蠻後答友人馬艾見寄

萬馬渡瀘水北來如鳥輕幾年朝鳳闕一日破

城此地有征戰誰家無死生人悲還舊里鳥喜下
空營弟姪意初定交朋心尚驚自從經難後吟苦
似猿聲

七言律詩

少年行

不倚軍功有俠名可憐毬獵少年情戴鈴健鶻隨
聲下撼珮騎驄弄影行覓匠重裝燕客劍對人新
按越姬箏豈知儒者心偏苦吟向秋風白髮生

秋居病中

幽居悄悄何人到落日清涼滿樹梢新句有時愁

裏得古方無効病來拋荒園數蝶懸蛛網空屋孤
螢入燕巢獨臥南窓秋色晚一庭紅葉掩衡茅

塞路晚晴

晚虹斜日塞天昏一半山川帶雨痕新水亂侵青
草路殘煙猶傍綠楊村胡人羊馬休南牧漢將旌
旗在北門行子喜聞無戰伐閒看一作遊騎獵秋
原

河陰新城

高城新築壓長川虎踞龍盤氣色全五里似雲根
不動一重如月暈長圓河流暗與溝池合山色遙

將睥睨連白有此來當汴口武牢何用鎖風煙

到蜀後記途中經歷

劍峰重疊雪雲漫憶昨來時處處難大散嶺頭春

足雨褒斜谷口

一作裏

夏猶寒蜀門去國三千里巴

路登山八十盤自到成都燒酒熟不思身更入長

安

蜀路倦行因有所感

亂峰碎石金牛路過客應騎鐵馬行白日欲斜催
後乘青雲何處問前程飛蠅一一皆先去度鳥雙
雙亦遠鳴蹇步不惟傷旅思此中兼見宦途情

調李紺歲除送酒

歲盡貧心事事須就中深恨酒錢無故人充壽能
分送遠客消愁免自沽一夜四盛傾鬱落五更三
點把屠蘇已供時節深珍處况許今朝更挈壺

憶山寄僧

塵路誰知踏雪蹤到來空認出雲峰天晴遠見月
中樹風便細聽烟際鐘關世數思僧並院憶山長
羨鶴歸松新愁舊恨都難說爲叩南宗與北宗

半在眉間
半在臂

罷還邊將

白鬚虜將話邊事自失公權怨語多漢主豈勞思
李牧趙王猶是一作用廉頗新鷹飽肉唯閑獵舊
劍生衣懶更磨征戰無功身老去羨他年少渡黃
河

贈玉芝觀王尊師

處處烟霞尋總徧却來城市喜逢師時流見說無
人在年幾唯應有鶴知大藥已成寧畏晚小松初
種不嫌遲長憂一日歸天去未授靈方遣問誰

送人宰邑

古縣蕭條秋景晚昔年陶令亦如君頭巾漉酒臨

黃菊手板支頤向白雲
百里豈能容驥足
九霄終自別雞羣
相思不恨書來少
佳句多從闕下聞

送徐山人歸睦州舊隱

君在桐廬何處住
草堂應與戴家鄰
初歸山犬翻驚主
久別江鷗却避人
終日欲爲相逐計
臨岐空羨獨行身
秋風釣艇遙相憶
七里灘西片月新

經杜甫舊宅

文苑英華
誤作嚴陶

浣花溪裏花多處
爲憶先生在蜀時
萬古只應留舊宅
千金無復換新詩
沙崩水檻鷗飛盡
樹壓村橋馬過遲
山月不知人事變
夜來江上與誰期

哭饒州吳諫議史君

忽聞身謝滿朝驚，俄感鄱陽罷市情。
遺愛永存今似古，高名不朽死如生。
神仙難見青驪事，諫議空留白馬名。
門館曾爲受恩客，幾迴垂淚過宣平。

在宣平里

平里

永樂殿堯藩明府縣池嘉蓮詠

青蘋白石匯蓮塘，水裏蓮開帶瑞光。
露濕紅芳雙朶重，風搖綠帶一枝長。
同心梔子徒誇艷，合穗嘉禾豈解香。
不獨豐祥先有應，更宜花縣對潘郎。

詠雙白鷺

雙鷺應憐水滿池。風飄不動頂絲垂。立當青草人
先見。行傍白蓮魚未知。一足獨拳寒雨裏。數聲相
斗早秋時。林塘得爾須增價。況是詩家物色宜。

五言絕句

感興

貧女貌非醜。要須緣嫁。遲還似求名。客無媒不及
時。

春懷舊游

吟想舊經過。花時奈遠何。別來長似見。春夢入關
姿。

長安客感

客淚如危葉長懸零落心况是悲秋日臨風制不禁

秋館雨夜

夜雨空館靜幽人起徘徊長安醉眠客豈知新鴈來

長安客感

日過千萬家一家非所依不及行塵影猶隨馬蹄歸

離京城宿商山作

山月吟聲苦春風引思長無由及塵土猶帶杏花
香

送客遙望

別遠心更苦遙將目送君光華不可見孤鶴沒秋
雲

懷無可上人

山寺秋時後僧家夏滿時清涼多古跡幾處有新
詩

傷靡草

靡草似客心年年亦先死無由伴花落暫得因風

起

聞子規

百鳥有啼時子規聲不歇
春寒四鄰靜獨叫三更
月

戊籤八雍陶之二

唐音統籤卷五百九十八

七言絕句

公子行

公子風流嫌

一作輕

錦繡新裁白紵作春衣金鞭留

當誰家酒拂柳衝

一作穿

花信馬歸

美人春風怨

澹蕩春風滿眼來落花飛蝶共徘徊偏能飄散同

心帶無那愁眉吹不開

遣愁

拋擲泥中一聽沈不能三嘆引愁深莫言客子無

愁易須識愁多暗損心

初醒

心中得勝暫拋愁醉臥涼風拂簾秋半夜覺來新
酒醒一條斜月到床頭

非酒

人人漫說酒消憂我道翻爲引恨由一夜醒來燈
火暗不應愁事亦成愁

勸行樂

老去風光不屬身黃金莫惜買青春白頭縱作花
園主醉折花枝是別人

春詠

風惱花枝不耐煩等閑飛落易愁人
殷勤最是章臺柳一樹千條管帶春

狀春

含春笑日花心艷帶雨牽風柳態妖
珍重兩般堪比處醉時紅臉舞時腰

送春

勿言春盡春還至少壯看花復幾回
今日已從愁裏去明年更莫共愁來

貧居春怨

貧居盡日冷風煙獨向簷床看
兩眠寂寞春風花落盡滿庭榆莢似秋天

早秋月夜

身閒伴月夜深行風觸衣裳
四體輕爲見近來天氣好幾篇詩與人秋成

秋懷

古槐烟薄晚鴉愁獨向黃昏立
御溝南國望中生遠思一行新
鴈去過一作汀洲

苦寒

今年無異去年寒何事朝來獨
忍難應是慚爲貧

客久綿衣著盡布衣單

人間應舉

莫驚西上獨遲迴只爲衡門未有媒惆悵賦成身
不去一名閑事逐秋回

天津橋望春

津橋春水浸紅霞煙柳風絲拂岸斜翠輦不來金
殿閉宮鶯銜出上陽花

過南鄰花園

莫怪頻過有酒家多情長是惜年華春風堪賞還
堪恨纔見開花又落花

城西訪友人別墅

澧水橋西小路斜，日高猶未到君家。
村園門巷多相似，處處春風枳殼花。

訪友人幽居二首

落花門外春將盡，飛絮庭前日欲高。
深院客來人未起，黃鸝枝上啄櫻桃。

莎深苔滑地無塵，竹冷花遲剩駐春。
盡日弄琴誰共聽，與君兼鶴是三人。

韋處士郊居

滿庭詩境飄紅葉，繞砌琴聲滴暗泉。
門外晚晴秋

色老萬條寒玉一溪煙

蔚州宴內遇新雪

胡盧河畔逢秋雪疑是風飄白鶴毛
坐客停杯看未定將軍已濕褐
花袍

宿大徹禪師故院

竹房誰繼生前事松月空懸過去心
秋磬數聲天欲曉影堂斜掩一燈深

題大安池亭

幽島曲池相隱映小橋虛閣半高低
好風好月無人宿夜夜水禽船上棲

題友人所居

卽故元少尹宅

亞尹故居經幾主只應君住有詩情
夜吟鄰叟聞惆悵七八年來無此聲

題等界寺二首

吳蜀千年等界村英雄無主豈長存
思量往事今何在萬里山中一寺門

兩國道塗都萬里來從此地等平分
行人競說東西利爭不關心耳不聞

山行

異花幽鳥幾千般頭白山僧遍識難
世上遊人無

復見一生惟向畫圖看

旅懷

舊里已悲無產業故山猶戀有煙霞自從爲客歸
時少旅館僧房卻是家

離家後作

世上無嫌似我希一身惟有影相隨出門便作焚
舟計生不成名死不歸

恨別二首

知君餞酒深深意圖使行人涕不流如今卻恨酒
中別不得一言千里愁

人言日遠還疏索別後都非未別心惟我憶君千
里意一年不見一重深

喜夢歸

旅館歲闌頻有夢分明最似此宵希覺來莫道還
無益未得歸時且當歸

途中西望

行行何處散離愁長路無因暫上樓惟到高原卽
西望馬知人意亦回頭

望月懷江上傳遊

往歲曾隨江客船秋風明月洞庭邊爲看今夜天

如水憶得當時水似天

憶江南舊居

閑思往事在湖亭
亭上秋燈照月明
宿客盡眠眠
不得半窻殘月帶潮聲

洛中感事

洛城今古足繁華
最恨喬家似石家
行到窈娘身
沒處水邊愁見亞枝花

峽中行

兩崖開盡水回環
一葉纔通石罅間
楚客莫言山
勢險世人心更險於山

路中間程知欲達青雲驛

行愁驛路問來人西去經過願一聞落日回鞭相
指點前程從此是青雲

春行武關作

風香春暖展歸程全勝遊仙入洞情一路綠溪花
覆水不妨閒看不妨行

自蔚州南入真谷有似劍門因有歸思

我家蜀地身離久忽見胡山似劍門馬上欲垂千
里淚耳邊惟欠一聲猿

渡桑乾河

南客豈曾諳塞北年年惟見鴈飛回今朝忽渡燕
乾水不似身來似夢來

西歸出斜谷

行過險棧出褒斜歷盡平川似到家萬里客愁今
日散馬前初見米囊花

宿嘉陵館樓

離思茫茫正值秋每因風景卻生愁今宵難作刀
州夢月色江聲共一樓

宿石門山居

窓燈欲滅夜愁生螢火飛來促織鳴宿客幾回眠

又起一溪秋水枕邊聲

夷陵城

世家曾覽楚英雄國破城荒萬事空惟有郵亭階
下柳春來猶似細腰宮

題寶應縣

靈樓當日動晴寒渭水梁山鳥外看聞說德宗曾
到此吟詩不敢倚闌干

洛源驛戲題

柳陰春嶺鳥新啼暖色濃烟深處迷如恨往來人
不見水聲哽咽出花溪

題君山

風波不動影沈沈
翠色全微碧色深
疑是水仙梳
酒處一螺青
黛鏡中心

再經天涯地角山

每憶雲山養短才
悔緣名利入塵埃
十年馬足行
多少兩度天涯地角來

寄題峴亭

峴亭留恨爲傷栝
未得醒醒看便回
卻想醉游如
夢見直疑元本不曾來

陰地剛見入蕃公主石上手跡

漢家公主昔和蕃石上今餘手跡存風雨幾年侵
不滅分明纖指印苔痕

題情盡橋

紀事陶典陽安送客至情盡橋問其故左右曰送迎之地止此故橋

名情盡陶命筆題其柱曰折柳橋為一詩云

從來只有情難盡何事名為情盡橋自此改名為
折柳任他離恨一條條

和孫明府懷舊山

五柳先生本在山偶然為客落人間秋來見月多
歸思自起開籠放白鵬

月下喜昌郎中除兵部

北闕雲間見碧天
南宮月似舊時圓
喜看列宿今宵正
休嘆參差十四年

再下第將歸荆楚上白舍人

窮通應計一時閑
今日甘從別足還
長倚玉人心自醉
不辭歸去哭荆山

安國寺贈廣宣上人

馬急人忙塵路喧
幾從朝出到黃昏
今來今日掌聲
師語一似敲冰清耳根

寄襄陽章孝標

青油幕下白雲邊
日日空山夜夜泉
聞說小齋多

野蕙枳花陰裏麝香眠

送客二首

與君同在少年場，知己蕭條壯士傷。
可惜報恩無處所，卻提孤劍過咸陽。

行人立馬強盤回，別字猶含未忍開。
好去出門休落淚，不如前路早歸來。

送客

若論秋思人人苦，最覺愁多客又深。
何況病來惆悵盡，不知爭作送君心。

送客不及

欲出鄉關行步遲此生無復卻回時
千冤萬恨何人見惟有空山鳥獸知

別鶴州一時慟哭雲日爲之變色

越鶴城南無漢地傷心從此便爲蠻
窳聲一慟悲

風起雲暗青天日下山

蠻界不許有悲泣之聲

雲南路出陷河西毒草長青瘴色低
漸近蠻城誰

敢哭一時收淚羨猿啼

唐書杜元穎傳太和三年南詔蠻瑓巔攻陷西川戎

萬三州徑犯成都元穎爲節度一無備擬寇止西

郭十日掠女子工伎數萬而南至大渡河謂華人

曰此南吾境故爾哭別鄉國衆驚慟赴水死

者千餘怨毒之聲累年不息故陶賦云云

路逢有似亾友者惻然賦此

吾友今生不可逢風流空想舊儀容朝來馬上頻回首惆悵他人似蔡邕

夜聞方響

方響聞時夜已深聲聲敲著客愁心不知正在誰家樂月下猶疑是遠砧

武侯廟古柏

霜葉四時同一色高枝千歲對孤峰此中疑有精靈在爲見盤根似臥龍

過舊宅看花

見宋洪遵盤洲集內

山桃野杏兩三栽
樹樹繁花去復開
今日主人相引看
誰知曾是客移來

放鶴

從今一去不須低
見說遼東好去棲
努力莫辭僊客遠
白雲飛處免羣雞

病鶴

憶得當時病未遭
身爲僊馭雪爲毛
今來沙上飛無力
羞見檣鳥立處高

聞杜鵑二首

碧竿微露月玲瓏
謝豹傷心獨叫風
高處已應聞

滴血山榴一夜幾枝紅

蜀客春城聞蜀鳥思歸聲引未歸心卻知夜夜愁
相似爾正啼時我正吟

聞蟬

一一作樹蟬聲入晚雲幾回一作愁我亦愁若何

年各得身無事每到聞時似不聞

句

古木閩州道驅羸落照闌投村礙野水問店隔荒

山泉州志又二聯見前注